



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De Christi resurrectione, & secunda manifestatione facta mulieribus à
monumento regredientibus, Sermo LXXX.

[urn:nbn:de:hbz:466:1-50232](#)

*De Christi resurrectione, & secunda manifestatione facta
mulieribus à monumento regredientibus,
Sermo LXXX.*

Sermone proximo, quia primam partem perstrinximus lectionis, hodie quæ sunt in sequentibus audiamus. Respondens, inquit, angelus dixit mulieribus, nolite timere vos, scio enim, quia Iesum, qui crucifixus est, queritis non est hic surrexit enim sicut dixit, venite, videte locum, ubi positus erat dominus. Putasne Petri, Ioannis discipulorum omnium absentia vtitur, castigatur ignauia, quod resurgentem Christo mulieres primæ solæ peruigiles ardenter occurrant, ipsa etiam virilis portio sic notatur, ut ad resurrectionis gloriae muliebris præcurrat infirmitas? Absit fratres, est istud causa, non casus: mysterium, non euentus: ordo, non culpa: nam mulier hic virum sequitur, non præcedit: ubi vir resurgit in Christo. Sentias ergo Petrum non mulieribus cessisse, sed Christo: non ancillæ, sed domino: sacramento, non somno: ordini, non timori: denique iam vir erat in Christo, quando ad mulieres angelus venit, ut quantum præcellit Deus Angelum, tantum vir mulierem præcederet in honore. *Nolite timere vos.* Quia bonos amor possidet, malos pauor: & impios timor terret, pios solatur affectio. *Nolite timere vos.* Hoc est dicere, timeat Iudeus, qui tradidit: Pilatus, qui addixit: qui illusit, miles: quæ crucifixit, impieras: crudelitas, amara popula quæ propinavit: sauitia, quæ obsedit sepultum: perfidia, quæ emit mendacium: fidem quæ vendidit: inhumanitas, quæ dominum suum resurrectisse dolet, non dolet occidisse: vos autem gaudere conuenit, non timere: quia resurrexit quem quærebatis mortuum, viuit quem lugebatis occisum.

Sic

Scio enim, quia Iesum, qui crucifixus est, queritis. Hoc est, quid quæritis viuentem cum mortuis? vitam quid quæritis in sepulchro? Ite potius ad occursum viuentis: & iam nolite concurrere ad morientis obsequium: Scio quia Iesum, qui crucifixus est, queritis: non est hic. Sic dixit angelus, qui aperuit ob hoc sepulchrum, non ut inde exiret Christus, qui ibi iam non erat, sed ut ibi Christum iam non esse monstraret. Surrexit sicut dixit. Gemina virtus est, & credere à mortuis, & futura præscire. Venite, videte locum, ubi positus erat Dominus. Venite mulieres, venite, vide te ubi Adam posuisti vos: ubi sepelisti hominem? ubi virum vestro consilio contrusisti, per quod fecisti pro seruis ipsis dominum sic iacere: & intelligite erga vos tantam magnitudinem veniae, quanta fuit domino iniuriæ magnitudo. Venite, videte locum, ubi positus erat dominus. Virtus angelica esse dominum qui crucifixus est, confitetur: & infirmitas humana discutit, utrum sit dominus qui resurgit? Christus. sic humanas suscepit passiones, ut totum quod diuinitatis est, non amittat. Et euntes cito, dicite discipulis eius, quia surrexit: & ecce præcedet vos in Galileam: ibi eum videbitis. Neque hic mulieribus apostoli postponuntur, sed mulier absoluitur à reatu, dum portat vitæ, portat resurrectionis auditum, quæ auditum mortis portauerat, & ruinæ. Et exeuntes, inquit, cito de monumento cum timore & gudio magno. Mulieres intrant sepulchrum, ut fierent sepulturæ participes, sociæ passionis exeunt de sepulchro, ut ante fide surgerent, quam resurgerent carne. Exeuntes cum timore & gudio magno. Et ubi est nolite timere. Quia timor non ablatus est, sed mutatus: timor abscesserat de reatu, sed de seruitio manebat: malus timor culpæ, bonus reverentiæ timor: Adam datum perdiderant, ne perderent

S 5 rent

rent ipsum redditum, pertimescebant. *Cum timore & gaudio magno.* Scriptum est: Seruite domino cum timore, & exultate ei cum tremore. *Cum timore & gaudio magno.* Quia timor domini sanctus permanet in sæculum sæculi. In sanctitate ergo manet, qui Dei permanet in timore. *Currebant nunciare discipulis eius, & ecce occurrit eis Iesus dicens, auete.* Fideliter currentibus, occurrit Christus, ut quod fide crediderant, agnoscerent visu: & firmaret præsentia, quas adhuc trepidas habebat auditus. *Occurrit eis Iesus, dicens, auete.* Occurrit ut dominus, salutat ut parens: affectu animat, seruat timore: salutat, ut per amorem seruant, non fugiant per timorem. *At illæ accesserunt, & tenuerunt pedes eius.* Haberi se voluit, qui passus est se tenexi. *Accesserunt, & tenuerunt pedes eius,* Ut scirent in capite Christi virum esse, se esse in pedibus Christi: & datum sibi virum sequi, non præire per Christum. *Dicit eis, nolite timere.* Quod dixerat angelus, dicit & dominus: ut quas firmauerat angelus, Christus redderet firmiores. *Sed ite, dicite fratribus meis,* ut eant in Galilæam, ibi me videbunt. Resurgent à mortuis, Christus resumpsit hominem, non reliquit: vocat ergo fratres, quos corporis sui fecit esse germanos: vocat fratres, quos patris sui adoptauit in filios: vocat fratres, quos benignus hæres sibi præstítit cohæredes. Sed resurgente Christo impietas qualiter resurgat audite. *Ecce venerunt quidam de custodib. in ciuitatem: & nunciauerunt principibus sacerdotum omnia qua facta fuerant.* At illi congregati cum senioribus consilio accepto, pecuniā copiosam dederunt militibus dicentes: dicite, quia venerunt nocte discipuli eius, & furati sunt eum dormientib. nobis. Qui dant pecuniam, non perdenda comparat, sed seruandi: Iudei vendēte Iuda emerūt, ut perderent Christū: nunc pecuniā copiosam, vt se, legem, templum,

templum, patriam perderent, effuderunt. Viri sanguinam, & dolosi, statuunt premium falsitatis, perfidiæ conficiunt instrumentum, cōmercio crudeli fraudem fidei, veritatis latrocinium nundinantur: corrūpunt milites, ut furtum vocent, quod erat resurrectionis arcanum. *Venerunt discipuli eius nocte, & furati sunt eū.* Non contenti interfecisse magistrum, quomodo discipulos possent perdere moliuntur: discipulorum crimen esse faciunt virtutem magistri. *Venerunt nocte discipuli eius, & furati sunt eum.* Planè amiserunt milites, perdiderunt Iudæi, sed discipuli magistrū suum, non furto, sed fide: virtute, non fraude: sanctitate, non criminē: viuum non mortuum sustulerunt: hinc est, quod in Galilæam ut eum possint videre, mittuntur, quia Deus in loco perfidię non videtur. *Quod autem dixit: Data est mihi omnis potestas in cælo & in terra.* Quid ipse in se sibi dederit, hoc declarat: probante Apostolo, cum dicit: Deus erat in Christo munidum reconcilians sibi. Filius Dei virginis filio, Deus homini, diuinitas carni contulit, quod semper cum patre possedit, & spiritu. Et ideo ait: *Ite baptizate omnes gentes in nomine patris, & filij, & Spiritus sancti.* Ut omnes gentes potestas vna, eadēque recrearet ad salutem, quas crearat ad vitam. *Et ecce, inquit, ego vobis cum omnibus diebus usque ad consummationem sæculi.* Est semper nobiscum, qui cum patre est semper: & veniet nobis per hoc quod assumpsit ex nobis. Et quid plura fratres? quod nascitur, quod patitur, quod resurgit, quod accipit, non est, non est necessitatis suæ, nostræ est hoc salutis.

1. Cor. 5:

De quinta Christi manifestatione facta discipulis, cum Thomas abesset, Sermo LXXXI.

DVM rebellis Iudæa creatorem suum debellare contendit,